

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE
po podnesku dostavljenom od JP HP Hrvatske telekomunikacije d.o.o. Mostar

Sarajevo
decembar 2006. godine



Broj: 01-01-26-1132 -1- I/06
Sarajevo, 22. decembar 2006.godine

Na osnovu člana 25. stav (1) tačka f) Zakona o konkurenciji («Službeni glasnik BiH», broj 48/05), te u vezi s čl. 12. i 14. Zakonom o konkurenciji po podnesku JP HP Hrvatske telekomunikacije d.o.o. Mostar, K. Branimira b.b., Mostar, zaprimljenom dana 07. decembra 2006. godine broj: 01-01-26-1132-I/06, Konkurencijsko vijeće, na 38. (tridesetosmoj) sjednici održanoj dana 22. decembra 2006. godine, je donijelo

MIŠLJENJE

Pripajanje privrednog subjekta HT MObilne d.d. Mostar privrednom subjektu JP HP Hrvatske telekomunikacija d.o.o. Mostar ne smatra koncentracijom, u smislu člana 12. Zakona o konkurenciji.

O b r a z l o ž e n j e

Privredni subjekt HT Mostar - Hrvatska telekomunikacija d.o.o. Mostar, K. Branimira b.b., Mostar (u daljem tekstu: HT d.o.o. Mostar) je dostavio podnesak Konkurencijskom vijeću, zaprimljen dana 07. decembra 2006. godine broj: 01-01-26-1132-I/06, kojim traži mišljenje o namjeri koncentracije s privrednim subjektom HT MObilne komunikacije d.d. Mostar, Tvrtka Miloša b.b., Mostar (u daljem tekstu: HT MObilne), u smislu čl. 12. i 14., u vezi sa članom 16. Zakona o konkurenciji.

U podnesku privredni subjekt HT d.o.o. Mostar navodi da od osnivanja privrednog subjekta HT Mobilne je njegov većinski vlasnik s učešćem od 51% odnosno da je HT Mobilne zavisna privredni subjekt (društvo-kćer) matičnom privrednom subjektu HT d.o.o. Mostar (društvo-majka).

Konkurencijsko vijeće je nakon provedene analize podataka i dokumentacije dostavljenih uz podnesak utvrdilo sljedeće činjenice:

- (1) Sporazum članova privrednog društva HT d.o.o. Mostar, od dana 20.12.2002. godine, predstavlja osnivački akt kojim je utvrđen osnovni kapital i vlasnička struktura ovoga privrednog društva:
 - Vlada Federacije BiH - 62,76% vlasničkog učešća
 - HT Zagreb d.d. - 30,29% vlasničkog učešća
 - HP Zagreb d.d. - 6,95% vlasničkog učešća

(2) Odlukom Vrhovnog suda Federacije BiH, od dana 28.02.2005. godine privredni subjekt HT MObilne je vraćen izvornom vlasniku, koji je zadržao raniju vlasničku strukturu (utvrđenu 1998. godine):

- HT d.o.o Mostar - 51% vlasničkog učešća
- HT Zagreb d.d. - 49% vlasničkog učešća

(3) Pravni okvir namjeravane koncentracije je Sporazum između Vlade Federacije BiH i privrednog subjekta HT d.o.o. Mostar od dana 26.10.2006. godine, čije konačno usvajanje je planirano za kraj decembra 2006. godine. Ovim Sporazumom je predviđena vlasnička struktura privrednog društva slijednika HT d.o.o Mostar:

- Vlada Federacija BiH – 55,76% vlasničkog učešća
- HT Zagreb d.d. – 39,10% vlasničkog učešća
- HP Zagreb d.d. – 5,23% vlasničkog učešća

Na osnovu izloženog, Konkurencijsko vijeće je ocijenilo da se radi o pripajanju ovisnog privrednog subjekata kojeg već kontrolira drugi (isti) privredni subjekt po osnovu većinskog vlasničkog učešća, te donijelo Mišljenje kao u dispozitivu.

Za predmetnu koncentraciju nije potrebno podnijeti Prijavu namjere Konkurencijskom vijeću.

Predsjednik

Gordan Raspudić